

Mossi - Sāoog Sebr Sōngo - Healing Scriptures

Ezipt Yiib Kibare 15:26 «Fo sā n kelg Wēnd gomde, fo sā n maan sēn ya neer b nifē, fo sā n deeg b noya, fo sā n maan b raabo, m kōn sak tū yel-beed niyns sēn nams Ezipt rāmba ta foo ye, tū maam, Naaba-Wēnd, la bāag fāa tum.»

Yaoolem 7:15 Y Wēnnama na n zāag-y-la ne bāas buud fāa, ne bā-toos niyns y sēn da bēed Ezipt tēng n ket n tērē. Y kōn bē bā-kāens ye, tū b na n yaool fēeg-b sēn kis-b yāmbā.

Yūla 107:20 Wēnd sēn yiis b koεega, B tool-b-la fāagre, n zāag-b ne yaooga.

Yūla 146:8 Bāmb n pukd zoensa nini. Bāmb n yikd sēn pāsda n lūtē. Bāmb n pugd sēn nonga bāmba.

A Izayi Sebre 35:5 Wakat kānga zoeens nin na n pukame, wūms tub na n yoogame.

A Izayi Sebre 53:5 Mik yaa tōnd yel-wēna yīnga la b da paoogd-a mik yaa tōnd yel-wēna zislem n to-a teoogē. A yāee toogo tū tōnd yāend laafi, a noadā n maag tōnd dēnna.

A Izayi Sebre 58:8 Sā n ya woto f vēenem na n puka wala wīntoogo la f noadā na n wēneg n maagame; f sōmblema na n kēna f taoore, la Soaala-Wēnd pēgra na n puga f poore.

Zeremi 30:17 B boonda foom tū nin-faoogo, b boonda foo, Siō tū ned ba a ye toog sēn ka be ne a soaba; kelge, m na n sāooga f sāmpogrā. Soaala-Wēnd n gome!

Zeremi 33:6 Ad-m sēn le yik n wat n na n tūp-ba wala b sēn tūpd ned sēn paam sāmpogre. B na n sāoogame, b na n le paama laafi, m na n kitame tū tēnga le zīnd laafi la a tīlg rabeem buud fāa.

Malasi 4:2(3:20) Neb niyns fāa sēn sulg-b meng mam taoorā, ad m sēn kāabd-b:
«M sēn na n wa ne pāng ning n fāag m neba raarā na n puka wa wīndg sēn wat ne fāagre. Y na n paama y meng la y na n yīga sū-noogo wa nag-bi sēn yit-b loεegē.

A Matiye Sōng 4:23,24 A Zezi ra saada Galile tēnse n maand karengo pūvsg rotē, n wilgd Wēnd Rīung Kibar noogā, la b sāoogd bāas la pa-keem buud fāa. 24 B yūv yiime n ta Siri zamaana; tēng fāa ra wata ne b nimbāan dāmba la b bāad dāmb buud toe toeyā, wala sēn yikd-b kisenkiiri, zut sēn lebg rāmba, nao sēn ki rāmba. B ra wata ne-ba t'a Zezi sāoog ba.

A Matiye Sōng 8:16,17 Zīg sēn waa n sobge, b talla neb wūsgo n wa b taoore; sūtāamba n da be b pusē; b yiisa gomd bala n dig sūtāamba, la bāad dāmb sāoogame. 17 La yū woto la bāngd a Izayi gomda taasyā: A rīka tōnd komslēm, tōnd bāase n tūk a menga.

A Matiye Sōng 9:35 A Zezi ra kēeda tēn-bēd la tēn-bōonese, n maand karengo pūvsg rotē, n togsd Rīunga kibar noogā la b sāoogd bāag la pa-keem buud fāa.

- A Matiye Sõng 10:1 B boola b Tuum-tumdb piig la a yiibā la b kõ-b-la tõog tū b rig
Sutāamba la b sāoog bāag la pa-keem buud fāa. (A Mark Sõng 3:14,15)
- A Matiye Sõng 10:8 Sāoog-y bāad dāmba, vuug-y kūum, tõog-y yīng bāase, dig-y
Sutāamba. B kōo yāmb zaalem, bū yāmb me kō zaalem.
- A Matiye Sõng 11:5 Zoeens neeme, wobs kēndame, wāooob sāoogdame, wūms
wūmdame, sēn ki-b vuvgdame, la b togsda Koe-noogā naong rāmba;
- A Matiye Sõng 12:15 B sēn bāng rē, a Zezi yiime. Wusg tū-b lame.
- A Matiye Sõng 15:30 Neb wusg babs-b lame ne wobse, ne zoeense, ne mugs la
koms rāmb buud a taaba, n digl-ba a Zezi taoore la a Zezi sāoog-b lame.
- A Matiye Sõng 17:20 Tū b na n leoke: «Ya y tēebā sēn ya bilfra yīnga; sīd-sīda m
yet-y lame tū yāmb tēeba bedrem sā n ta seneve biiga, y na yeel tānga sēn
tōndā: <Luk ka n ta ka.> A na luk a zīgē la būmb ba a ye kōn yī toog ne y ye.
- A Mark Sõng 1:34 B sāooga bāad-dāmb sēn da bēed bāas buud toor toore la b
riga Sutāamb wusgo. B ra ka basd Sutāamba tū b gom b yell ye tū Sutāamba ra
mii b sēn ya-la.
- A Mark Sõng 3:10 A Zezi ra sāooga bāad-dāmb wusgo, dē yīnga bāad-dāmba fāa
ra pēdgdame n dat n sūs-ba.
- A Mark Sõng 6:5,6 Beelē a Zezi ra ka maan wēnd-makr dāmb wa zīis kēer ye. B
tēega b nus koms-rāmb kēer zug bala, n kō-b laafi. 6 A Zezi meng ra ka wūmd
neba sēn pa tēeda vōor ye. Rē poore a Zezi singa tēn-kiremsa saabo, neba
zāmsg yīnga.
- A Mark Sõng 6:13 B riga sutāamb wusgo la b zēe bāad-dāmb wusg ne kaam n
sāoog-ba.
- A Mark Sõng 6:55,56 Neba zoe n saaga tēnga fāa n tūk bāad-dāmb ne b gāase n
wa a Zezi nengē. B sēn da be zīg ning fāa, neba ra watame. 56 B sēn da wūm
t'a Zezi bee zīg ninga fāa, a Zezi sēn ta tēng ning fāa, tēn-bōonego, tēn-bēda
la tēn-kiremse, fāa ra tigimda b bāad-dāmba, tēnga sek zīgē, la b ra kota a
Zezi tū b sak tū bāad-dāmb sūs b fuuga zerd bala. La neb niins fāa sēn da
paam-ba n sūs a Zezi fuuga ra sāoogdame.
- A Mark Sõng 8:23-25 A Zezi gāda zoanga nugu n tak-a n yi kēenga la b taaga a
nina ne kolkoodo. Dē poore b tēega b nus zoanga zugu, n sok-a a sā n nee
būmbu. 24 Zoanga sēn da sing yāeeba, yeelame: «Mam nee neba, mam nee
sēn kēnda, la wēnda wa tūse.» 25 A Zezi le sūsa zoanga nini ne b nusi la rē
poore, a yāee vēenega la a singame n paam laafi. A ra yāeta būmba fāa
vēenega la a ra nee yūg me.
- A Mark Sõng 9:29 T'a Zezi leoke: «Sā n pa ne puusg bala, Sutāan kānga buud ka
tōe n dig ye.»
- A Mark Sõng 16:17,18 Ad sēn na n tēbā sēn na n maam bōn-bān niynsi: mam
yūv yīnga, b na n diga sutāamba. B na n goma bu-zēmb goama. 18 Bāmb na
n yōga wiis ne b nusi, la b sā n wa yū zēnem me, a kōn maan-b būmb ye. B sā
n sūs bāad-dāmb ne b nusi, b na n paama laafi.»
- A Luk Sõng 4:18 «Wēnd Vuussem bee m zugu, tū b zēe maam ne kaam sōngo, tū m

tū togs naong rāmba Koe-noogo; b tum-m lame tū m moone n wilg yemse tū b tilga ne yembdo, la zoeense, tū b paama nini, la b sēn tar b rāmb toogā tū b leb b zagsē ne laafi,

A Luk Sōng 4:40 Wīndg sēn kē, b talla bāad-dāmb ka tēka n wa a Zezi nengē. B tēega b nus bāmb ned kam fāa zugu n sāoog-ba.

A Luk Sōng 5:15 A Zezi yūvr da yit n paasdame tū zāma wā sing n tigimd ka tēka, n na n kelg-ba la b paam b bāas sāoogre.

A Luk Sōng 5:17-25 A Zezi ra karemda neba daar a ye, tū Farizē la noora karen-saam-dāmb da lagem n zī be; b ra yii Zūde la Galile la Zerizaleem tēn-toose. Soaala pāng ra bee ne a Zezi tū b sāoogd nebā. 18 La ade neb n da zīt b pōor ne a gāaga, n baood n na n sik-a bāmb taoore. 19 La b sēn da ka mi b sēn na n tū zīg ning n kē ne bāadā, zāma wā yīnga, b ruu bēoongā n kubg vōore n sik-a ne a gāagā, a Zezi taoore. 20 A Zezi yāenda b tēebo n yeel: «Daoa, fo paama f yel-wēna sugri.» 21 Farizē rāmba ne Sēb-mitba tagsa b sūurē: «Yāoo yaa ānna n mamesd a meng ne Wēnde? Anna n tōe n kō yel-wēnd sugri, sā n ka Wēnnaam b ye?» 22 A Zezi bānga b sūur tagsgo la b yeel-b lame: «Yaa bōe tagsgo la yāmb tagsda y sūur pugē? 23 Yelsem bug la naana: fo paama f yel-wēnd sugri, bī: yik n kēne? 24 Sēn na n ylē tū y bāng tū Ned Biiga tara tōog tēng zugu, n kō yel-wēnd sugri, pōore, maam n kōt f noore: yiki! Tuk f gāag n kul f yiri!» 25 La Zīg pugē bala, a yika bāmb nifē, n tuk a gāag n kuiis a yiri la a pēgd Wēnnaam.

A Luk Sōng 6:17-19 B sēn sigd tāngā, b tees n yaasa a lugrē; karen-biisi la zāma ka tēk n da tigim be; b ra yii Zūde la Zerizaleem, ne Tir la Sidō sēn be mogr noore. 18 Bāmb fāa ra waame n na n kelg-ba la b paam b bāas sāoogre; Sutāan yood sēn da tar b rāmb n namsdē wā fāa da paamda yolsgo. 19 Zāma wā ra baood n sūsa bāmba tū pāng n da yit b nengē n sāoogd bāmb fāa.

A Luk Sōng 7:21,22 Wakat kāng t'a Zezi ra sāoogda bāad-dāmb wūsgo la koms rāmba, la zīn dāmba la b pukd zoeens nini. 22 B yeelame: «Kēng-y n tū togs a Zā y sēn yāe la y sēn wūme: zoeens le paamda nini, wobs kēndame, wāoob sāoogdame, kūum vuvgdame la b togsda naong rāmba Koe-noogā.

A Luk Sōng 8:2 n paas pagb kēere. Yaa sutāan dēgd la b ra yiis b pusē, bī yaa b bāas la b ra sāoog yā, wala a Mari b sēn da boond a soab t'a Madelen; Sutāamb a yopoe la b yiis a pugē,

A Luk Sōng 9:2 B tum-b lame tū b sa n moon Wēnd Rīungā la b yols bāad-dāmba.

A Luk Sōng 9:11 Zāma wā bāngame la b rīka b nao. A Zezi sakame n gom ne-ba, Wēnd Rīunga yelle; b sāooga sēn da tul-b laafi wā fāa.

A Luk Sōng 13:12 A Zezi sēn yāend-a, b bool-a lame n yeele: «Fo tilga ne f bāagā.»

A Luk Sōng 13:32 B leok-b lame: «Tū yeel-y m Ba silem soaba Waaga, ade, maam yiisda sutāamba la m sāoogd bāad-dāmb dūna la beoogo la da-yīten-daara tū m seeme.

A Zā Sōng 5:8,14 T'a Zezi yeel-a: «Yik la f rīk f gāagā n kēne.» 14 A Zezi yaool n

wa yāe-a-la wēnd doogē n yeel-a: «Ad-f sēn paam laafi marsā, gūs n da le maan yel-wēnde tī yell wa pak foo n yūg pīnd ye.»

A Zā Sōng 14:12 Sīd-sīda mam yeta yāmba tī sēn tēed-a maam, a me na n maana tuum niy়ns m sēn maandā, la a pud n na maana sēn yūd rēnna tī m dabda m Ba nengē.

Tuum-Tumdba Vūm 3:6 A Piyer yeel-a lame: «Ad-m ka tar wanzurf la sānem ye, la m na n kō-f-la m sēn tare: a Zezi Krista, Nazaret daoā yūv yīnga, m kōt-f la noore tī f yik n kēne.»

Tuum-Tumdba Vūm 5:15,16 al tī b ra wat n dīgend bāad-dāmba ne b gāas, gāas paal wala kuda, soya zutu, tī ba na yī nin-yend, bī a Piyer maasma bui-a a sā n wa looda. 16 Zāma wā ra yita Zerizaleem tēn-toosa meng n wat ne b bāad-dāmba la Sutāan yood sēn kē b rāmba la b fāa ra paamda laafi.

Tuum-Tumdba Vūm 10:38 Y tēra Wēnd sēn pids-b ne a Vuussem Sōngo la b pānga. Y tēra me tī Wēnd sēn da be ne-bā, b sēn piuug zīg ning fāa b maana neere la b sāooga Sutāan sēn da kē b rāmb fāa.

Tuum-Tumdba Vūm 19:11,12 Wēnd kō-la a Pol pāng t'a maand wēnd makr dāmb sēn da yūkd pēlense. 12 Sā n dīk peend buud fāa sēn sūs a Pol n leeg n sūs bāad-dāmba, b bāasa wēnegd n sāoogame, bī Sutāamba yit n loogame.

Rom Dāmba 8:26 A Vuussem sōng me wata d sōngre, tī d ka mi d sēn na n kos būmb ning taki tī d puusg yī neer ye, la ad-y yīnsir tara a Vuussem Sōngo tī b yōkd sēeg d yīnga la b wiisd wiis toogo.

1 Korēnt Rāmba 12:9 nin-yend paamda tēebo ne a Vuussem Sōng pānga, t'a to paamd bāas sāoogr kūuni Vuussem Sōng yēng nengē.

1 Korēnt Rāmba 12:28 Wēnd sēn yāk b rāmb Tigenga yīnga, pipi yaa tuum-tumdba, a yiib soaba, bāngdba, a tāab soaba, karen-saam-dāmba. B kōo kēer tōog tī b maand bōn-bāna, kēer yaa sāoogre, kēer yaa naong rāmb yaoogre, kēer kuunga zāabo, kēer goam buud toe-toe wūlengo.

Filip Tēng Rāmba 2:27 Sīd me bāag n yōk-a la kellē la bilf t'a maanē yōore; Wēnd n zoe a nimbāanega, la ka yēnd bal ye, yū maam me la b kūm yā, n pa sak tī m sū-sāamsa tong taab ye.

Zak 5:14 bī a kīt tī b bool Tigeng nin-kēemsā tī b yals a zug n puus a yīnga la b zēe kaam, Soaala yūv yīnga.

1 Piyer 2:24 Pika zugu b meng tuka d yel-wēna, sēn na n yīlē tī tōnd me wa lebg bōn-kūmse ne yel-wēnd maanego la bōn-vūse ne sōmblem baoobo. Bāmb sāmpogrā n wa ne yāmb sāoogre.

3 Zā 1:2 M kotame, m zoa sōngo, tī Wēnd kō-f laafi zānga, f yīng la f sūg laafi.